

## **Ismeta Dervoz**

Inicijativa upućena članovima Predsjedništva BiH, članovima Vijeća ministara BiH, članovima Kolegija Predstavničkog doma PSBiH, članovima Kolegija Doma naroda PSBiH i izabranim poslanicima na svim nivoima u BiH – „25. novembar obilježava se kao Međunarodni dan borbe protiv nasilja nad ženama i nasilja u porodici. I u Bosni i Hercegovini je predstavljena zajednička kampanja agencija UN-a pod nazivom “Muškarci udruženi protiv nasilja nad ženama” koja je dio globalne UNiTE kampanje generalnog sekretara UN-a Ban Ki-moona. Kampanja koja promovira mrežu muškaraca lidera koji čine sadašnji i bivši političari, aktivisti u civilnom društvu i među mladima, vjerske vođe, ličnosti iz kulture i drugi prominentni pojedinci koji djeluju u svim sferama uticaja kako bi pokrenuli konkretne akcije na eliminiranju nasilja nad ženama kroz podizanje svijesti javnosti, preko zauzimanja za odgovarajuće zakone, pa do pokretanja odgovornosti institucija vlasti. I u BiH je osnovana “Liga pravih muškaraca”, odnosno forum muškaraca koji podržavaju prevenciju i borbu protiv nasilja nad ženama i djevojčicama.

Pozivam vas, uvažene kolege, da svojim priključivanjem u Mrežu muškaraca, lidera udruženih u borbi protiv nasilja nad ženama, pokažete odgovornost i brigu i doprinesete smanjenju broja žena kojima je zbog nasilja koje trpe ugroženo osnovno ljudsko pravo – pravo na život, da doprinesete ozdravljenju porodica ugroženih nasiljem i stvaranju novih generacija mladića i muškaraca kojima će bilo kakav oblik nasilja biti stran i neprihvatljiv. Učinite to kao odgovorni izabrani zvaničnici i kao muškarci.”